



Broj: 11-05/02-39-47447-7/23  
Sarajevo, 03.11.2023. godine

**SKUPŠTINA KANTONA SARAJEVO**  
*-ovdje-*

**PREDMET:** Odgovor na zastupničku inicijativu – Marijela Hašimbegović  
*Veza: vaš akt broj 01-04-39-25/23 od 20.09.2023. godine*

Zastupnica Marijela Hašimbegović je Ministarstvu za odgoj i obrazovanje Kantona Sarajevo, dana 20.09.2023. godine, u skladu sa članom 106. Poslovnika Skupštine Kantona Sarajevo („Službene novine Kantona Sarajevo“, br. 41/12-Drugi novi prečišćeni tekst, 15/13, 47/13, 47/15, 48/16, 09/20, 14/20, 16/22 i 17/22-Ispravka), uputila sljedeću obrazloženu zastupničku inicijativu, citiramo:

*“Upućujem hitnu inicijativu da se utvrde rezultati evaluacije Pilot programa podučavanja zasnovanog na ishodima učenja i kompetencijama. Je li provedena analiza uspjehnosti programa?”*

**Obrazloženje:**

*Istorija reforme obrazovanja bilježi i aktivnosti tadašnjeg resornog ministarstva, Ministarstva za obrazovanje, nauku i mlade KS kojeje pokrenulo Pilot program podučavanja zasnovanog na ishodima učenja i kompetencijama.*

*Cilj projekta je bio razvijanje kompetencija nastavnika i jezičko-komunikacijskih kompetencija učenika. Program se odvijao kroz eksperimentalnu i kontrolnu grupu bez konačnog značajnog efekta na uspjehnost usvajanja nastavnog gradiva. Ako je izostala analiza uspjehnosti, stručna i akademska ospervacija, javna rasprava, studija ili bilo koji drugi oblik postavlja se pitanje na koji način dokazujemo opravdanost nametnute kurikularne reforme.”*

**ODGOVOR:**

Poznato nam je da nevladina organizacija “proMENTE socijalna istraživanja” radila analizu koja se temeljila na istraživanju tokom školske 2019/20. godine, o kojoj se informacije mogu vidjeti na stranici

<https://www.promente.org/index.php/bs/projekti/543-istrazivanje-o-efektima-poducavanja-baziranog-na-ishodima-ucenja-u-okviru-nastave-bhs-jezika-i-knjizevnosti-u-trecim-i-sestim-razredima-osnovnih-skola-u-kantonu-sarajevo>.

Podsjećamo da je kurikularna reforma utemeljena na jasnom opredjeljenju Skupštine Kantona Sarajevo iskazanom na Drugoj tematskoj sjednici koja je održana 22.10.2019. godine. Tom prilikom zastupnici Skupštine Kantona Sarajevo su jednoglasno usvojili "Informaciju Ministarstva za obrazovanje, nauku i mlade Kantona Sarajevo o stanju u oblasti obrazovanja i nauke", broj: 11-05-34-36790/19 od 09.10.2019. godine, a u kojoj se značajan dio odnosi na kurikularnu reformu.

U tom smislu, ne možemo govoriti o "nametnutoj reformi", kako navodite u obrazloženju inicijative. Nadalje, nužnost promjena u načinu podučavanja, kao i redefiniranju sadržaja, postala je dodatno očita nakon provedenih međunarodnih istraživanja o funkcionalnoj pismenosti (PISA, TIMSS i PIRLS).

S poštovanjem,



Dostavljeno:

1. Naslovu
2. a/a



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-128  
Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)